

مجموعه ابو الضحی

ماسوا شایسته ندن دلی تطهیرہ پناش
بر تو حکمت و عرفان الیہ دورہ آتش

علوم و معارف دین بحث ایدر. و ہر ماہ عربی ابتدا سیلہ اون بشندہ نشر اول نور مجموعہ در.

عدد ۲۷ - جلد ۳ [فی غزہ صفر سنہ ۱۳۰۰] [نسخہ سی ۳ فروش

قوللرینه و یا آياقلرینه اصابت ایدن نزول بيله کندیلرینی معطل ایده میور.
اعمالی بيله چالیشیور. بوشهرده (پاره) بر معبود مشترکدر که آکا خرسقیان
یهودی، پیرست حاصلی بلا استثنا عموماً افراد پرستش ایتیکده در.»

امضا

آدریا

بیانغو

بیانغو دنیلان بازیمجه طالع اون طقوزنجی عصرک محدثانندن
دکلسده اون طقوزنجی عصرده مستولی اولان غلل ساریه مدینه دندر.
پارس، ویانه و برلین سوقاقلرینک دیوارلنده سنهک مواسمه
بیانغو اعلانلندن بشقه برشی کورولمز. بعض اعلانلرده ایسه بیانغونک
یا بر مکتب و یا برخسته خانه و یا امور خیریه دن بر تأسیس نافع نامنه اوله رق
کشیده اولنه جغه دار ایضاحات کوریلور سده بو درلو مواعیده تمامیه
امنیت ایتک بیانغوری ترتیب ایدن جمعیتلرک مسلاک وشانه واقف
اولانارجه ناقابلدر. چونکه بیانغورک (روایت) یعنی - ایکی معناسیله ده -
فرلداق دنیلان قار او یونی قدر جمعیت مدینه بی اضرار ایتدیکنده قطعاً
شبهه ایدله ملیدر. باخصوص افرادک اجرا ایتدیگی قار بر درجیه قدر
عالم خفاده جریان ایتدیگی ایچون مضرتی دخی بالنسبه اهنودر. فقط
بیانغور علانته چیمش بر قار دیمک اولدیغندن مضرتلری دخی عومیدر.
بناءً علیه هر حکومت ممالکنده بیانغورک تأسیس نه رخصت اعطا ایلمه جکی
زمان احتیاطی الدن بر اقامغه و امتیاز ویره جکی شخص و یا شرکتک
احوال و مقاصدینی حاده تدقیقندن کچیرمکه و بناءً علیه مهیا امکن عامه بی
اضراردن محافظدیه اعتنا ایتلیدر.

بیانغوئک زمان حدوث و ظهوری تاریخنک و قایعنه مطلع اولمدیغی
ازمنه صره سنده بولسه کر کدر .

رومالیلر « ساتورنال » (*) دیدکلری یورطی به شرف و یرمک
ایچون بیلتلری حکومت طرفندن مجانا توزیع ایدیلان و هر بیلتی مطلقا بر
شی قزانان بر بیانغو کشیده ایدرلردی .

روما ایمپراطورلردن مظالم کونا کون و افعال جنت نمون ایله
مشهور اولان (نرون) اهالینک منفعتنه اولق اوزره عمومی بیانغور
احداث ایتش ایدی . بو بیلتلردن کونده بیک دانهسی توزیع ایدیلیر
و ایچلرندن بر قاجی عادتاً بر ثروت اطلاقنه شایان اوله جق درجه لده مبلغ
قزانیر ایدی .

ایمپراطور هلیو غبال دخی بر بیانغو ایجاد ایتشدی . بو بیانغوئک
بیلتلری نصفی کارلی و نصف دیگر بی فائده و بلکه مضر شیلر قزانیر
ایدی . مثلاً بعض بیلته ۶ نفر کوله اصابت ایلدیکی حالدیه دیگر بر بیلته
حصه سته دخی ۶ عدد فاره دوشوردی . شبهه یوق که قسمته فاره چیقماک
چهره سی اکثر ایدی .

سلطان سلیمان قانونینک محیسی اولان برنجی فرانسوا سنوی فرانسه
خرینه سته ۲۰۰۰ لیرا اعطا ایتک شرطیله بر شرکته بیانغو امتیازی
و یرمدر . لکن او عصر خلق اینای زمانه کبی حرص و طمعده تابع و بلا
سعی و تعب اکتساب یساره مائل اولمقلرندن و احتمال که بیانغویه نظر
امیتله باقامش اولمقلرندن بیلته ک قسم اعظمی صایسله میوب قالمش و بناء
علیه بیانغو متعهدلی خلقک باشنه کچیرمک ایسته دکاری کلاه افلاسی
کندی باشلرینه اکتسایه مجبور اولمش در .

(*) ساتورن زحل ییلدیزیدر . رومانیلر آنک شرفته اوله رق اجرا ایلدکلری
عید مورتیه که هر سنه ایلولک اون بدنجی ، اون سکرینجی و اون طقوزنجی کونلرده
ایدی . ساتورنال نسیمه ایدرلردی .

ینه او عصرده بیانغوری تعیم امرنده انکتره و فلنکده صرف
ایدیلان غیرتله دها زیاده مظهر موقت اولدی . آلتی آی ظرفنده
انکترده بر میلیون ایکی یوز بیك لیرالق بر بیانغونک بیتلری تمامیه
صاتلمشدر . حتی بو بیانغوردن بر ایکسی جسم حسیم چفتلکار ایله
زادکندن بعض ذواتک مالکانهلرینی دخی و عهد ایش ایدی که قرانانلر
بومالکانه ویا چفتلکارک قیمت محملرینی آلیرلر ایدی .

ذکر اولنان برنجی فرانسوا زماننده فرانسیه ادخال ایدیلان بیانغو
اصولی بعض مواع حسبیه بر خیلی زمانلر تأسس ایده مامشدر . ۱۶۵۶
سنه سنده پارسدن جریان ایدن سن نهری اوزرنده کی اخشاب کوپرلردن
برینک محترق اولمسیله یرینه کارگیر اوله رق انشاسنه قرار ویریلان کوپرینک
مصارفنی قیامق ایچون بر ایتالیه بیانغو امتیازی ویرلمش ایسده ینه
بو بیانغویه دخی رغبت ایلمامشدر .

فرانسیسده حکومت طرفندن ایلك دفعه اولق اوزره اون دردنجی
لوئیسک یوم ازدواجنده بر بیانغو چکلمش ایدی . بو تاریخدن صکره
بیانغور ایچون خلقک رغبتی افزایش بولمغه باشلامشدر . چونکه اون
دردنجی واون بشنجی لوئیلرک دور حکومتلری فرانسهک دور سفاهی
اولمسندن اکثر بدع سیه او عصرده رواج بولمشدر . بناء علیه خلقک
سودای حرص واستفاده سی کتدکجه آرتمغه و بیانغور دخی او انبته
چوغالغه باشلامش اولمسنندن حکومت وقتیه ایتدیکی تشویقات نه قدر
ناججا اولدیغنی ادراک اتمش ایسده ایش ایشدن کچمش ایدی . فقط
شورای دولتک قراریه ۱۷۰۰ سنه سنده بیانغور کاملاً منع اولنهرق شهر
امانتی طرفندن ۱۰ میلیون لیرالق بر بیانغو کشاد ایلدی . حکومتک
بوتدیری بک بجا ایدی . زیرا آلمش اولان خلقی بو کاردن دفعه منع
ایتمک امکان متصور اولمامسنندن خلقی بر طاقم طولاندیریجی شرکتره

ما کل ایتمکدن ایسه هم اهالی بی و همده اداره بلدییه بی مستفید ایتک ایچون
بو چاره به مراجعت حکومته ضرور یادن ایدی .

حکومت بو پیانفوی دهافقید کوسترمک ایچون نشر ایتدیکی
نظامنامه ده ذات الزوج نسوانه زوجلرینه معلومات ویرمکسزین بیلت
اشترا ایتکه و برشی قزانقلری حالده زوجلرینی خصه دار ایتامکه
مأذونیت اعطا ایتشدیر .

آلتی سنه صکره شهر امانتی پیانفوسی دخی لغو اولنه رق (قرال
پیانفوسی) نامیله عمومی بر پیانفو ترتیب ایدلمش و بو پیانفو دولته سنوی
۱۲ میایون لیرا واردات تأمین ایتشدیر . حال بوکه دولته بویله بر پیانفو
تأسیسی خلقک اطماعیله پاره سنی طولاندیر می دیمک اوله جغی ایچون فرانسه
انقلاب کیرینی متعاقب ۱۷۹۳ سنه سنده الغا ایدلمشدر .

۱۸۰۴ ده بیوک ناپولیونک ایمپراطور لغی زماننده فرانسه ده تکرار
پیانفولر تأسیس اولمغه باشلامشدر . فقط بو پیانفو جنوه لیلرک مخترعاندن
اولان بر اصولده ایدی یعنی پیانفو بردن طقسانه قدر ترتیب اولمش ۹۰
عدد بیلندن عبارت اولوب هر پیانفو کشیده سننده بو طقسان بیلنک بشی
بای حال برشی قزانیر ایدی .

ابتداری پیانفو یالکز پارسنده اتخاذ اولنان بر محل مخصوصده کشیده
اولندیغی حالده صکره لری لیون، بوردو، لیل و استرا زبورغ شهرلنده
او مثللو بر محل کشاد ایدلمشدر .

پارسده ابتداری بیلت صانغه مخصوص ۱۵۰ محل موجود ایکن
صکره لری ۴۰۰ محله ابلاغ ایدلمشدر .
۱۸۰۴ ده ۹۰۰ محله بیلت صایتیلیر ایدی . بو مقدار ۱۸۳۲ سنه سننده
۵۲۸ محله تنزل ایتشدیر .

پیانفو نومرولی بر وزن و حجمده ماصوره له وضع ایدیلرک

بولیس ناظری حاضر اولدیغی حالده یابر اعمایه و یاخود کوزلی منبیل
ایله باغلانمش بر چوجغه چکدیریلردی.

فرانسه رجال دولتندن مالیه ناظری مشهور (نه فکر) ک بیانیه کوره
۱۷۸۴ ده کشیده ایدیلان بیانغودن ۱۲ بچق میلیون فرانق حاصل اولدیغی
حالده (دیرکتوآر) حکومتی زماننده بومقدار ۳۰ میلیون و ۱۸۱۰ ده
یعنی ناپولیونک دور حکومتده سکسان اوچ میلیون فرانقه بالغ اولمشدر.
۱۸۱۴ سنه سنده ناپولیون محاربانندن طولای فرانسه خلقی پک بیوک
بر اضطراب ایچنده بولمئسندن بیانغو حاصلاتی او قدر تنزل ایتمش ایدی که
حکومت بش آلتی آی قدر هر قرعه ده درت یوز بیک فرانق راده سینده
بر زیانه عرض سیننه تحمل مجبوریتنده بولمئشیدی.

۱۸۱۸ ده حاصلات ۵۸ میلیون و ۱۸۲۵ ده اللی یدی میلیونندن
عبارت ایدی.

۱۸۲۹ ده بیانغولر حقنده اتخاذ و اعلان اولنان بر نظامنامه الک
آشاغی بر پلتنک بدائی ۲ فرانق تعیین ایتمش و ۲۸ ایالت داخلنده بیانغوا
کشیده سنی تحت ممنوعیته آلمشدر.

۱۸۳۲ ده تنظیم اولنان (قوانین مالیه) نظارت مالیه به بالتدریج
بیانغولرک العاسنه سعی ایتسنی امر ایلکله نظارتک ثمره اقدامیه ۱۸۳۶
سنه سنده فرانسه ده هیچ بر نام ایله بر بیانغو قالمامشدر.
سنه مذکورده نشر اولنان بر نظام بیانغولری کاملاً تحت ممنوعیته
آلمش و فقط امور خیریه ایچون ایدیلان تشبقاتی و صنایع نفیسه بی ثمره دار
ایتمک ایچون اشیا بیانغوسنه مساع کو سترمشدر. الیوم مذکور نظامنامه
فرانسه ده مرعی الاجرا و پاره قزاقی یولنده کی قار بیانغولری بالکلیه
ملغادر.

بیانقوری خلق بازیمچه طالع حکمنده تلقی ایلدیکندن طالعندن و یا علی الاطلاق طالع دنیلان وهم مطلقدن فائده بکلیانلر هر درلو عقائد باطله یه اتباعدن کندیلرینی آلامزلر . حتی تصورلرینه موافق کلان هر شیدن احکام چیقارمغه و چیقاردیغی احکامی ایستدکاری صورتده استعمال ایتکله غیرت ایدرلر .

ایشته بوقیلدن اولانلری داخل اولدقوری عالم امید و خولیاده دها سربست، دها راحت یشتمق یعنی بیانقورلک بولک اکر امیهلرینی قزانلریمق ایچون کتابلر بیله تألیف اولمشدر که قرعه زمانلرنده بیانقو قومانیه لری طرفندن همان یئلری نسبتده یعنی یوز بیکرله نسخه سی صایلیر ایدی .

بونلر احکام فروش اولان منجهنک زامجه طالعاری قبیلتدن شیرل ایدی . از جمله بونلردن برنده بیلست اشترا ایتک ایچون ایام مسعوده تعیین اولندیغی کبی توفی ایدلک لازم کلان ایام مخوسه دخی بیان اولمشیدی .

ایام مسعوده		ایام مخوسه	
۳، ۱۹، ۲۷، ۲۱	کانون ثانی	۱۳، ۲۳	کانون ثانی
۷، ۸، ۱۸	شباط	۲، ۱۰	شباط
۳، ۹، ۱۲، ۱۴، ۱۶	مارت	۱۳، ۱۹، ۲۳، ۲۸	مارت
۵، ۲۷	نیسان	۱۰، ۲۰، ۲۹، ۳۰	نیسان
۱، ۲، ۴، ۶، ۹، ۱۱	مایس	۱۰، ۱۷، ۲۰	مایس
۳، ۵، ۷، ۹، ۱۲، ۲۳	حزیران	۴، ۲۰	حزیران

تموزدن کانون اوله قدر اولان سنه نک دیگر آلتی ماهی نظر اهیسته آلتماش ایدی . چونکه او تاریخده فرانسه بیانقوری سنه نک بالاده اراهه اولنان آیلرنده چکیلیر ایدی .

مملکت مزه ایسه بوکار مخوس قریم محاربه سندن صکره دخول ایتشد .